



萬首唐人絕句卷第四

七言一百首

秋江送別二首

王勃四首

早是它鄉值早秋
江亭明月帶江流
已覺逝川傷別
念復看津樹隱離舟

歸舟歸騎儼成行
江南江北互相望
誰謂波瀾裁一
水已覺山川是兩鄉

寒夜懷友雜體二首

北山煙霧始茫茫
南津霜月正蒼蒼
秋深客思紛無
已復值征鴻中夜起

復閣重樓向浦開秋風明月度江來故入故情懷故
宴相望相思不相見

登封大酺歌四首 盧照鄰 五首

明君封禪日重光天子垂衣曆數長九州四海常無
事萬歲千秋樂未央

日觀仙雲隨鳳輦天門瑞雪照龍衣繁絃綺席方終
夜妙舞清歌歡未歸

翠鳳逶迤登介丘仙鶴徘徊天上遊借問乾封何所
樂人皆壽命得千秋

千年聖主應昌期萬國淳風王化基請比上古無為

代何如今日太平時

九月九日旅眺

盧照鄰

九月九日眺山川歸心歸望積風煙他鄉共酌金花
酒萬里同悲鴻鴈天

贈蘇管記

杜審言 二首

知君書記本翩翩為許從戎赴朝邊紅粉樓中應計
日燕支山下莫經年

發湘江

他日林亭非舊遊今春花鳥作邊秋自憐京國人南
窳不似湘江水北流

綠珠怨三首

喬知之

石家金谷重新聲明珠十斛買娉婷昔日可憐君自
許此時歌舞得人情
君家閨閣不曾難好將歌舞借人看富貴雄豪非分
理驕奢勢力橫相干
別君去君終不忍徒勞掩袂傷紅粉百年離別在高
樓一代紅顏為君盡

苑中逢雪應制

宋之問 二首

紫禁仙輿詔旦來青旗遙倚望春臺不知庭雪今朝
落疑是林花昨夜開

下嵩山歌

下嵩丘兮多所思携佳人兮步遲遲松間明月長如
此君再遊時復何時

和宋之問嵩山歌

王無競 一首

日云暮兮下嵩山路連綿兮松石間出谷口兮見明
月心徘徊兮不能還

奉和人日翫雪

劉憲 四首

勝日登臨雲葉起芳風搖動雪花飛呈輝幸得承金
鏡颺影還持奉玉衣

夜燕安樂公主新宅

屏軒洞戶旦新披度曲飛觴夜不疲綺綴玲瓏河色
繞珠簾隱映月華窺

錢唐永昌

始見郎官拜洛陽旋聞近侍發離章緒言已勗期年
政綺字先生滿路光

奉和游苑遇雪

龍驂曉入望春宮正逢春雪舞香風花光併洒天文
上寒氣行銷御酒中

少年行四首

王維二十首

新豐美酒斗十千咸陽遊俠皆少年相逢氣味爲君

飲繫馬高樓垂柳邊

出身仕漢羽林郎初隨票騎戰漁陽孰知不向邊庭
苦縱死猶聞俠骨香

一身能擘兩雕弧虜騎千重只似無偏坐金鞍調白
羽弦弦射殺五單于

漢家君臣歡宴終高議雲臺論戰功天子臨軒賜侯
印將軍佩出明光宮

寄段十六

與君相見即相親聞道君家在孟津爲見行舟試借
問客中時有洛陽人

贈裴旻將軍

腰間寶劍七星文，臂上瑠璃弓百戰。勳見說雲中擒點
虜，始知天上有將軍。

九月九日憶山東兄弟

獨在異鄉爲異客，每逢嘉節倍思親。遙知兄弟登高
處，遍插茱萸少一人。

戲題磐石

可憐磐石臨泉水，復有垂楊拂酒杯。若道春風不解
意，何因吹送落花來。

戲題輞川別業

柳條拂地不須折，松樹捎雲從更長。藤花欲暗藏猓
子，栢葉初齊養麝香。

過崔處士林亭

綠樹重陰蓋四鄰，青苔日厚自無塵。科頭箕踞長松
下，白眼看他世上人。

送王尊師歸蜀中

大羅天上神仙客，濯錦江頭花柳春。不爲碧雞稱使
者，唯令白鶴報鄉人。

送元二使安西

渭城朝雨裊輕塵，客舍青青柳色春。勸君更盡一杯

酒西出陽關無故人

靈雲池送從弟

金杯緩酌清歌轉
畫舸輕移艷舞回
自歎鶉鴒臨水別
不同鴻鴈向池來

寒食汜上作

廣武城邊逢暮春
汶陽歸客淚沾巾
落花寂寂啼山鳥
楊柳青青渡水人

朝史寰

清風細雨濕梅花
驟馬先過碧玉家
正值楚王宮裏至
門前初下七香車

菩提寺禁聞逆賊凝碧池上作樂

萬戶傷心生野煙
百官何日更朝天
秋槐葉落空宮裏
凝碧池頭奏管絃

齊州送祖三

送君南浦淚如絲
君向東州使我悲
爲報故人憔悴盡
如今不似洛陽時

送韋評事

欲逐將軍取右賢
沙場走馬向居延
遙知漢使蕭關外
愁見孤城落日邊

送沈子福

楊柳渡頭行客稀
吾師蕩漿向臨沂
唯有相思似春色
江南江北送君歸

涼州賽神

涼州城外少行人
百尺烽頭望虜塵
健兒擊鼓吹羌笛
共賽城東越騎神

別本維又有遊春詞等詩十五篇并五言十五篇皆王涯所作今以入涯詩中

明妃詞四首

儲光羲 十一首

采騎雙雙引寶車
羌笛兩兩奏胡笳
苦為別得橫橋路
不憶宮中玉樹花

西行隴上泣胡天
南向雲中指渭川
毳幕夜來時宛

轉何由得似漢王邊

胡王知妾不勝悲
樂府皆傳漢國詞
朝來馬上箜篌引
稍似宮中閑夜時

日暮驚沙亂雪飛
傍人相勸易羅衣
強來前帳看歌舞
共待單于夜獵歸

題茅山華陽洞

華陽洞口片雲飛
細雨濛濛欲濕衣
玉簫遍滿仙壇上
應是茅家兄弟歸

同武平一遊湖五首

朝來仙閣聽絃歌
暝入花亭見綺羅
池邊命酒憐風

月浦口回船惜芰荷

朦朧竹影蔽巖扉淡蕩荷風飄舞衣舟尋綠水宵將

半月隱青林人未歸

紅荷碧篠夜相鮮皂蓋蘭橈浮翠筵舟中對舞邯鄲

曲月下雙彈盧女絃

青林碧嶼暗相期緩楫揮觥欲賦詩借問嬌歌凡幾

轉河低月落五更時

花潭竹嶼傍幽磔畫楫浮空入夜溪菱荷覆水船難

進歌舞留人月易低

寄孫山人

新林二月孤舟還水滿清江花滿山借問故園隱君
子時時來去在人間

除夜

高適十三首

旅館寒燈獨不眠客心何事轉悽然故鄉今夜思千
里秋鬢明朝又一年

塞上聽吹笛

雪淨胡天牧馬還月明羌笛戍樓間借問梅花何處
落風吹一夜滿關山

別董大二首

六翮飄飄私自憐一離京洛十餘年丈夫貧賤應未

是今日相逢無酒錢
十里黃雲白日曛
北風吹鴈雪紛紛
莫愁前路無知己
天下誰人不識君

初至封丘

可憐薄暮宦遊子
獨卧虛齋思無已
去家百里不得歸
到官數月秋風起

送桂陽孝廉

桂陽年少西入秦
數經甲科猶白身
即今江海一歸客
他日雲山萬里人

玉真公主歌二首

常言龍德本天仙
誰謂仙人每學仙
更道玄元指李日
多於王母種桃年
仙宮仙府有眞仙
天寶天仙秘莫傳
爲問軒皇三百年
何如大道一千年

營州歌

營州少年厭原野
皮裘蒙茸獵城下
虜酒千杯不醉人
胡兒十歲能騎馬

九曲詞三首

鐵騎橫行鐵嶺頭
西看邏逤取封侯
青海只今將飲馬
黃河不用更防秋

許國從來徹廟堂連年不爲在壇場將軍天上封侯
印御史臺中異姓王

萬騎爭歌揚柳春千場對舞繡麒麟到處盡逢歡洽
事相看揔是太平人

客舍送李少府

相逢旅館意多違暮雪初晴復鴈飛主人酒盡君未
醉薄暮塗遙歸不歸

與村老對飲

韋應物 三十五首

鬢眉雪色猶嗜酒言辭淳朴古人風鄉村年少生離
亂見話先朝如夢中

贈令狐曹士

同使藍田先
半日不相待

秋簷滴滴對床寢山路迢迢聯騎行到家俱及東籬
菊何事先歸半日程

閑居贈僧

滿郭春風嵐已昏鴉栖吏散掩重門雖居世網常清
淨夜對高僧無一言

將往滁城戀新竹

停車欲去繞叢竹偏愛新筠十數竿莫遣兒童觸瓊
粉留待幽人回日看

雪夜下朝望省中

南望青山滿禁闈曉陪鴛鴦爲正差池共愛朝來何處
雪蓬萊宮裏拂松枝

閑居寄人

山明野寺曉鍾微雪滿幽林人跡希閑居寥落生高
興無事風塵獨不歸

寄諸弟

秋草生庭白露時故園諸弟益相思盡日高齋無一
事芭蕉葉上獨題詩

登樓寄王卿

踏閣攀林恨不同楚雲滄海思無窮數家砧杵秋山

下一郡荆榛寒雨中

寄諸弟二首

歲暮兵戈亂京國帛書間道訪存亡還信忽從天上
落唯知彼此淚千行

雨中禁火空齋冷江上流鶯獨坐聽把酒看花想諸
弟杜陵寒食草青青

簡二甥

忽羨後生連榻話獨依寒燭一齋空時流歡笑事從
別把酒吟詩待爾同

寄黃尊師

結茅種杏在雲端掃雪焚香宿石壇靈祇不許世人到忽作雷風登嶺難

寄梭衣居士

兀兀山行無處歸山中猛虎識梭衣俗客欲尋應不遇雲溪道士見猶稀

送從叔

獨樹沙邊人跡稀欲行愁遠暮鍾時野泉幾處侵應盡不遇山僧知問誰

送王校書

同坐高齋換時節共看移石復栽杉送君江浦已惆

悵更上西樓望遠帆

送倉部蕭員外

襍被蹉跎老江國情人邂逅此相逢不隨鴛鴦朝天去遙想蓬萊臺閣重

送王卿

別酌春林啼鳥稀雙旌背日晚風吹却憶回來花已盡東郊立馬望城池

送秦系赴潤州

近作新婚鑷白髻長懷舊卷映藍衫更欲携君虎丘寺不知方伯望征帆

酬柳郎中春日歸揚州

廣陵三月花正開
花裏逢君醉一回
南北相過殊未
遠暮潮從去早潮來

荅東林道士

紫閣西邊第幾峯
茅齋夜雪虎行蹤
遙看嵐色知何
處欲出山門尋暮鍾

荅端弟

坐憶故園人已老
寧知遠郡鴈還來
長瞻西北是歸
路獨上城樓日幾回

寄劉尊師

世間荏苒繁此身長
望碧山到無因
白鶴徘徊看不
去遙知下有清都人

荅秦十四校書

知掩山扉三十秋
魚須翠碧弃床頭
莫道謝公方在
郡五言今日爲君休

故人重九日求橘

憐君卧病思新橘
試摘猶酸亦未黃
書後欲題三百
顆洞庭須待滿林霜

休日訪人不遇

九日驅馳一日閑
尋君不遇又空還
怪來詩思清人

骨門對寒流雪滿山

因省風俗訪道士姪不見

去年澗水今亦流去年杏花今又拆山人歸來問是誰還是去年行春客

春思

野花如雪繞江城坐見年芳憶帝京閶闔曉開疑碧樹曾陪鴛鴦聽流鶯

登寶意上方

翠嶺香臺出半天萬家煙樹滿晴川諸僧近住不相識坐聽微鍾記往年

琅邪山

石門有雪無行跡松壑凝煙滿衆香餘食施庭寒鳥下破衣挂樹老僧亡

尋簡寂觀瀑布

躡石欹危過急澗攀崖迢遞弄懸泉猶將虎竹爲身累欲付歸人絕世緣

野次聽橫吹

立馬蓮塘吹橫笛微風動柳生水波北人聽罷淚將落南朝曲中怨更多

聽琴

竹林高宇霜露清朱絲玉徽多故情暗識啼鳥與別
鶴祇緣中有斷腸聲

九日

今朝把酒復惆悵憶在杜陵田舍時明年九日知何
處世難還家未有期

滁州西澗

獨憐幽草澗邊生上有黃鸝深樹鳴春潮帶雨晚來
急野渡無人舟自橫

子規啼

高林滴露夏夜清南山子規啼一聲鄰家孀婦抱兒

泣我獨展轉何爲情

萬首唐人絕句卷第四

萬首唐人絕句卷第五

七言一百首

萬首唐人絕句卷第五

七言一百首

題歌器圖

劉禹錫

秦國功成思稅駕晉臣名遂歎危機無因上蔡牽黃
犬願作丹徒一布衣

揚州春夜同會水館夜艾獨醒

寂寂獨看金燼落紛紛只見玉山頽自羞不是高陽
侶一夜星星騎馬回

王學士入翰林

廐馬翩翩禁外逢星槎上漢杳難從定知欲報淮南

詔促召王褒入九重

闕下口號

綵仗神旗獵曉風
雞人一唱鼓蓬蓬
銅壺漏水何時歇
如此相催即老翁

戲贈崔千牛

學道深山虛老人
留名萬代不關身
勸君多買長安酒
南陌東城占取春

詔追江湘逐客宿都亭有懷

雲雨江湘起卧龍
武陵樵客躡仙蹤
十年楚水楓林下
今夜初聞長樂鍾

詔還京師見舊番官

前者匆匆襆被行
十年憔悴到京城
南宮舊吏來相問
何處淹留白髮生

故洛城古塙

粉落椒飛知幾春
春風吹雨洒旋成
塵莫言一片危基在
猶過無窮來往人

自朗州至京戲贈看花諸君子

紫陌紅塵拂面來
無人不道看花回
玄都觀裏堯千樹
盡是劉郎去後栽

再游玄都觀

百畝庭中半是苔
堯花淨盡菜花開
種桃道士歸何處
前度劉郎今又來

望夫石

終日望夫夫不歸
化為孤石苦相思
望來已是幾千載
只似當時初望時

金陵五題

石頭城

山圍故國周遭在
潮打空城寂寞回
淮水東邊舊時月
夜深還過女墻來

烏衣巷

朱雀橋邊野草花
烏衣巷口夕陽斜
舊時王謝堂前燕
飛入尋常百姓家

臺城

臺城六代競豪華
結綺臨春事最奢
萬戶千門成野草
只緣一曲後庭花

生公講堂

生公說法鬼神聽
身後空堂夜不扃
高坐寂寥塵漠漠
一方明月可中庭

江令宅

南朝詞臣北朝客
歸來唯見秦淮碧
池臺竹樹三畝

餘至今人道江家宅

秋夜安國觀聞笙

織女分明銀漢秋桂枝梧葉共颺颺月露滿庭人寂
寂霓裳一曲在高樓

臺城懷古

清江悠悠王氣沉六朝遺事何處尋宮墻隱嶙圍野
澤鶴鴉夜鳴秋色深

謝吳大夫夜泊湘川見寄

夜泊湘川逐客心月明猿苦血沾襟湘妃舊竹痕猶
淺從此因君染更深

與歌者米嘉榮

唱得涼州意外聲舊人唯數米嘉榮近來時世輕先
輩好染髭鬚事後生

聽舊宮人穆氏唱歌

曾隨織女度天河記得雲間第一歌休唱正元供奉
曲當時朝士已無多

與歌者何戡

二十餘年別帝京重聞天樂不勝情舊人唯有何戡
在更與殷勤唱渭城

與歌童田順郎

天下能歌御史娘花前月底奉君王九重深處無人
見分付新聲與順郎

題燕爾館破屏風

畫時應遇空亡日賣處難逢識別人唯有多情往來
客強將衫袖拂埃塵

牡丹

庭前芍藥妖無格池上芙蓉淨少情唯有牡丹真國
色花開時節動京城

步虛詞二首

阿母種桃雲海際花落子成二千歲海風吹折最繁

枝跪捧瓊槃獻天帝
華表千年一鶴歸
疑丹爲頂雪爲衣
星星仙語人聽盡
却向五雲翻翅飛

隄上行三首

酒旗相望大隄頭
隄下連檣隄上樓
日暮行人爭渡急
槳聲幽軋滿中流

江南江北望煙波
入夜行人相應歌
桃葉傳情竹枝怨
水流無限月明多

長隄繚繞水裴回
酒舍旗亭次第開
日晚上簾招估客
輒栽大艫落帆來

蹋歌詞四首

春江月出大隄平隄上女郎連袂行唱盡新詞歡不見紅霞映樹鷓鴣鳴

桃蹊柳陌好經過燈下粧成月下歌爲是襄王故宮地至今猶自細腰多

新詞宛轉遞相傳振袖傾鬟風露前月落烏啼雲雨散遊童陌上拾花鈿

日暮江頭聞竹枝南人行樂北人悲自從雪裏唱新曲直到三春花盡時

魏宮詞二首

日晚長秋簾外報望陵歌舞在明朝添爐火欲熏衣麝憶得分明不忍曉

日映西陵松柏枝下臺相顧一相悲朝來樂府長歌曲唱著君王自作詞

秋詞二首

自古逢秋悲寂寥我言秋日勝春朝橫空一鶴排雲上便引詩情到碧霄

山明水淨夜來霜數樹深紅出淺黃試上高樓清入骨豈如春色嗾人狂

阿嬌怨

望見歲蕤舉翠華試開金屋掃庭花須臾宮女傳來
信言幸平陽公主家

竹枝詞十一首

白帝城頭春草生白鹽山下蜀江清南人上來歌一
曲北人莫上動鄉情

山桃紅花滿上頭蜀江春水拍山流花紅易衰似儂
意水流無限似儂愁

江上朱樓新雨晴灤西春水穀文生橋東橋西好楊
柳人來人去唱歌行

日出三竿春霧消江頭蜀客駐蘭橈憑寄狂夫書一

紙住在成都萬里橋

兩岸山花似雪開家家春酒滿銀杯昭君坊中多女
伴永安宮外踏青來

城西門前灩澦堆年年波浪不能摧懊惱人心不如
石少時東去復西來

瞿唐嘈嘈十二灘此中道路古來難長恨人心不如
水等閑平地起波瀾

巫峽蒼蒼煙雨時清猿啼在最高枝箇裏愁人腸自
斷由來不是此聲悲

山上層層桃李花雲間煙火是人家銀釧金釵來負

水長刀短笠去清

楊柳青青江水平聞郎江上唱歌聲東邊日出西邊

雨道是無晴還有晴

楚水巴山江雨多巴人能唱本鄉歌今朝北客思歸
去回入紇那披綠羅

秋扇詞

莫道恩情無重來人間榮謝遞相催當時初入君懷
袖豈念寒爐有死灰

揚柳枝詞十一首

塞北梅花羌笛吹淮南桂樹小山詞請君莫奏前朝

曲聽唱新翻楊柳枝

南陌東城春早時相逢何處不依依桃紅李白皆誇
好須得垂楊相發揮

鳳闕輕遮翡翠幃龍墀遙望麴塵絲御溝春水相輝
映狂殺長安年少兒

金谷園中鶯亂飛銅駝陌上好風吹城東桃李須臾
盡爭似垂楊無限時

花萼樓前初種時美人樓上關腰支如今拋擲長街
裏露葉如啼欲恨誰

煬帝行宮汴水濱數株殘柳不勝春晚來風起花如

雪飛入宮墻不見人
御陌青門拂地垂千條金縷萬條絲如今綰作同心
結將贈行人知不知

城外春風吹酒旗行人揮袂日西時長安陌上無窮
樹唯有垂楊管別離

輕盈嫋娜占年華舞榭粧樓處處遮春盡絮飛留不
得隨風好去落誰家

迎得春光先到來淺黃輕綠映樓臺只緣婁娜多情
思便被春風長挫摧

巫峽巫山楊柳多朝雲暮雨遠相和因想陽臺無限

事為君回唱竹枝歌

浪淘沙詞九首

九曲黃河萬里沙浪淘風皺自天涯如今直上銀河
去同到牽牛織女家

洛水橋邊春日斜碧流輕淺見瓊沙無端陌上狂風
急驚起鴛鴦出浪花

汴水東流虎眼文清淮曉色鴨頭春君看渡口淘沙
處渡却人間多少人

鸚鵡洲頭浪颭沙青樓春望日將斜銜泥燕子爭歸
舍獨自狂夫不憶家

濯錦江邊兩岸花春風吹浪正淘沙女郎翦下鴛鴦
錦將向中流定晚霞

日照澄洲江霧開淘金女伴滿江隈美人首飾侯王
印盡是沙中浪底來

八月濤聲吼地來頭高數丈觸山回須臾却入海門
去卷起沙堆似雪堆

莫道讒言如浪深莫言遷客似沙沉千淘萬灑雖辛
苦吹盡狂沙始到金

流水淘沙不暫停前波未滅後波生令人忽憶瀟湘
渚回唱迎神三兩聲

傷愚溪二首

溪水悠悠春自來草堂無主燕飛回隔簾唯見中庭
草一樹山榴依舊開

草聖數行留壞壁木奴千樹屬鄰家唯見里門通德
榜殘陽寂寞出樵車

柳門竹巷依依在野草青苔日日多縱有鄰人解吹
笛山陽舊侶更誰過

洛中逢韓七之吳興五首

昔年意氣結群英幾度朝回一字行海北天南零落
盡兩人相見洛陽城

自從雲散各東西每日歡娛却慘悽離別苦多相見
少一生心事在書題

今朝無意訴離杯何況清絃急管催本欲醉中輕遠
別不知翻引酒悲來

駱駝橋上蘋風起鸚鵡杯中箬下春水碧山青知好
處開顏一笑向何人

溪中士女出箬籬溪上鴛鴦避畫旗何處人間似仙
境春山携妓采茶時

夜宴福建盧常侍宅因送之鎮

暫駐旌旗洛水隄紅筵紅燭醉蘭闈美人美酒長相

逐莫怕猿聲發建溪

送廖參謀東遊二首

九陌逢君又別離行雲別鶴本無期望高樓上忽相
見看過花開花落時

繁花落盡君辭去綠草垂楊引征路東道諸侯皆故
人留連必是多情處

贈長沙讚頭陀

外道邪山千萬重真言一發盡摧峯有時明月無人
夜獨向昭潭制惡龍

送僧赴江陵謁馬逢侍御

西北秋風彫蕙蘭洞庭波上碧雲寒茂陵才子江陵
住乞取新詩合掌看

送僧遊天台

曲江僧向松江見又道天台看石橋鶴戀故巢雲戀
岫比君猶自不逍遙

傷桃源薛道士

壇邊僧在鶴巢空白鹿閑行舊徑中手植紅桃千樹
發滿山無主任春風

王思道碑堂下作

蒼蒼宰樹起寒煙尚有威名海內傳四府舊聞多故

吏幾人垂淚拜碑前

代靖安佳人怨二首

寶馬鳴珂蹋曉塵魚文匕首犯車茵適來行哭里門
外昨夜華堂歌舞人

秉燭朝天遂不回路人彈指望高臺墻東便是傷心
地夜夜秋螢飛去來

碧澗寺見元九和展上人詩

廊下題詩滿壁塵塔前松樹已鱗皴古來唯有王文
度重見平生笠道人

贈元九文石枕

文章似錦氣如虹宜薦華簪綠殿中縱使良颯生日
夕猶堪拂拭愈頭風

寄唐州楊八

淮西既是平安地鷓鴣路今無羽檄飛聞道唐州最清
靜戰場耕盡野花稀

傷循州渾尚書

貴人淪落路人哀碧海連天丹旄回遙想長安此時
節朱門深巷百花開

同樂天登樓靈寺塔

步步相携不覺難九層雲外倚欄竿忽然語笑半天

上無限游人舉眼看

和裴相公傍水閑行

爲愛逍遙第一篇時時閑步賞風煙看花臨水心無
事功業成來二十年

杏園花下

二十餘年作逐臣歸來還見曲江春游人莫笑白頭
醉老醉花間有幾人

春詞

新粧宜面下朱樓深鎖春光一院愁行到中庭數花
朶蜻蜓飛上玉搔頭

唐詩卷五
三
憶樂天

尋常相見意殷勤
別後相思夢更頻
每遇登臨好風景
羨它天性少情人

醉荅樂天

洛城洛城何日歸
故人故人今轉稀
莫嗟雪裏暫時別
終擬雲間相逐飛

虎丘寺見元相公題名

滙水送君君不還
見君題字虎丘山
因知早貴兼才子
不得多時在世間

萬首唐人絕句卷第五

萬首唐人絕句卷第六

七言一百首

酬海南馬大夫

劉禹錫

六十二首

新辭將印拂朝纓
臨水登山四體輕
猶念天涯未歸客
瘴雲深處守孤燈

寄贈小樊

花面丫頭十三四
春來綽約向人時
終須買取名春草
處處相將步步隨

酬樂天自問

親友關心皆不見
風光滿眼獨傷神
洛陽城裏多池

館幾處花開有主人

和令狐相公別牡丹

平章宅裏一闌花
臨到開時不在家
莫道兩京非遠
別春明門外即天涯

贈劉景擢第

湘中才子是劉郎
望在長沙住桂陽
昨日鴻都新上
第五陵年少讓清光

和令狐相公聞思帝鄉有感

當初造曲者為誰
說得思鄉戀闕時
滄海西頭舊丞
相
停盃處分不須吹

酬令狐見寄

群玉山頭住四年
每聞笙鶴看諸仙
何時得把浮丘
袖
白日將升第九天

酬令狐春意

一紙書封四句詩
芳辰對酒遠相思
長吟盡日西南
望
猶及殘春花落時

城內花園值春霜一夕萎謝

樓下芳園最古春
年年結伴采花頻
繁霜一夜相撩
治
不似佳人似老人

和裴晉公涼風亭睡覺

驪龍睡後珠元在仙鶴行時步又輕方寸瑩然無一事水聲來似玉琴聲

荅裴公雪夜訝諸公不相訪

玉樹瓊樓滿眼新的知開閣待諸賓遲遲來去非無意擬作梁園座右人

和人憶江西故吏歌

侯家故吏歌聲發逸處能高怨處低今歲洛中無雨雪眼前風景似江西

賞牡丹

偶然相遇人間世合在增城阿姥家有此傾城好顏

色天教晚發賽諸花

有所嗟二首

庾令樓中初見時武昌城外似腰肢相逢相識盡如夢爲雨爲雲今不知

鄂渚濛濛烟雨微女郎夢逐暮雲歸只應長在漢陽渡化作鴛鴦一隻飛

和裴令公誚樂天寄奴買馬

常奴安得似方回爭望追風絕足來若把翠娥酬駮駟始知天下有奇才

酬牛相見寄

官冷如漿滿病身
凌寒不易遇天津
少年留取多情興
請待花時作主人

荅張侍御

又被時人寫姓名
春風引路入京塵
知君憶得前身事
分付鶯花與後生

赴連州諸公置酒相送

謫在三湘最遠洲
邊鴻不到水南流
如今暫寄尊前笑
明日辭君步步愁

梁國辭

梁國三郎威德尊
女巫簫鼓走鄉村
萬家長見空山

上雨氣蒼茫生廟門

酬元九

無事尋花至仙境
等閒栽樹比封君
金門通籍真多事
黃紙除書每日聞

酬楊侍郎

翔鸞闕底謝皇恩
纓上滄浪舊水痕
踈傳揮金忽相憶
遠擎長句與招魂

荅楊敬之時亦謫居

飽霜孤竹聲偏切
帶火焦桐韻不悲
今日知音一留聽
是君心事不同時

和嚴給事聞唐昌觀玉蕊花下有仙遊二
首

玉女來看玉蕊花異香先引七香車攀枝弄雪時回
顧驚怪人間日易斜

雪蕊瓊絲滿院春衣輕步步不生塵君平簾下徒相
問長伴吹簫別有人

酬楊八副使將赴湖南見寄

知逐征南冠楚才遠勞書信到陽臺明朝若到君山
上一道巴江自此來

和元相公

玉人紫綬相輝映却要霜鬚一兩莖其奈無成空
去每臨明鏡若爲情

謝惠班竹杖

一莖炯炯琅玕色數節重重玳瑁文柱到高山未登
處青雲路上願逢君

常州揚給事新樓

文昌新像盡東來油幕朱門次第開且上新樓看風
月會乘雲雨一時回

和裴令公夜宴

天下蒼生望不休東山雖有但時遊後來海上仙桃

樹肯逐人間風露秋

酬李侍郎惠藥

隱几支頭對落暉故人書信到柴扉周南留滯商山
老星象如今屬少微

寄李表臣二首

對酒臨流柰別何君今已貴我蹉跎分明記取星星
鬢他日相逢應更多

世間人事有何窮過後思量盡是空早晚同歸洛陽
陌上隣湏近祝鷄翁

酬牛相公別後夢同遊

已嗟池上別竟驚忽報夢中携手行此夜獨歸還今
夢老人無睡到天明

酬裴尹携酒兼喜眼疾平

卷盡輕雲月更明金篦不用且閑行若傾家釀招來
客何必池塘春草生

和滑州李尚書上巳憶江南禊事

白馬津頭春日遲沙洲歸鴈拂旌旗柳營惟有軍中
戲不似江南三月時

和西川李尚書傷孔雀及薛濤

玉倪已逐金鑲葬翠羽先隨秋草萎唯見芙蓉含曉

露數行紅淚滴清池

後梁二帝碑堂下作

玉馬朝周從此辭
國陵寂寞對豐碑
千行宰樹荆州道
暮雨蕭蕭聞子規

荅柳柳州三首

日日臨池弄小鷄
還思寫論付官奴
柳家新樣元和脚
且盡薑芽斂手徒

柳集亦有是篇

小兒弄筆不能嗔
浣壁書窓且賞勤
聞彼夢熊猶未兆
女中誰是衛夫人

昔日傭工寄姓名
遠勞辛苦寫西京
近來漸有臨池

興為報元常欲抗衡

重別柳柳州

二十年來萬事同
今朝歧路忽西東
皇恩若許歸田

去晚歲當為田舍翁

鄰易田

登清輝樓

潯陽江色潮添滿
彭蠡秋聲鴈送來
南望廬山千萬仞
共誇新出棟梁材

遇毛仙翁

武昌山下蜀江東
重向仙舟見葛洪
又得案前親禮拜
大羅天訣玉函封

寄毗陵楊給事三首

揮毫起制來東省
蹠目修名謁外臺
好著橐鞬莫惆悵
出文入武是全才

曾主魚書輕刺史
今朝自請左魚來
青雲直上無多地
却要斜飛取勢回

東城南陌昔同遊
坐上無人第二流
屈指如今已零落
且須歡喜作鄰州

陪宴杏園

更將何面上春臺
百事無成老又催
唯有落花無俗態
不嫌憔悴滿頭來

曹剛

大絃嘈囀小絃清
噴雪含風意思生
一聽曹剛彈薄媚
人生不合出京城

寄湖州韓中丞

老郎日日憂蒼鬢
遠守年年厭白蘋
終日相思不相見
長頻相見見何人

楊柳枝

楊子江頭烟景迷
隋家官樹拂金堤
嵯峨猶有當時色
半蘸波中水鳥棲

韓信廟

將畧兵機命世雄蒼黃鍾室嘆良弓遂令後代登壇
者每一尋思怕立功

美温尚書鎮定興元

旌旗入境大無聲戮盡鯨鯢漢水清從此世人開耳
目始知名將出書生

田順郎歌

清歌不是世間音玉殿常開稱主心唯有順郎全學
得一聲飛出九重深

夜聞商人船中箏

大艚高船一百尺清聲促柱十三絃楊州市裏商人

女來占江西明月天

聞道士彈思歸引

仙翁一奏思歸引逐客初聞自泫然莫怪殷勤悲此
曲越聲長苦已三年

喜康將軍見訪

調居愁寂似幽棲百草當門茅舍低夜獵將軍忽相
呼鷓鴣驚起遶籬啼

嘗茶

扣芳叢鷹嘴芽老郎封寄謫仙家今宵更有湘江
雪出霏霏滿筵花

月望洞庭

湖光秋月兩相和，潭面無風鏡未磨。
遙望洞庭山水翠，白銀盤裏一青螺。

赴連山

德宗山陵

當時並冕奉天顏，委珮低簪綵仗間。
今日獨來張樂地，萬重雲水望橋山。

監祠夕月

西皞分司晝夜平，羲和停午太陰生。
鏗鏘揖讓秋光裏，觀者如雲出鳳城。

贈李司空妓

髮髻梳頭宮樣妝，春風一曲杜韋娘。
司空見慣渾閑事，斷盡蘇州刺史腸。

家園瓜熟是故蕭相公所遺瓜種，悽然感

舊因賦此詩

劉長卿三十八首

事去人亡迹自留，黃花綠蒂不勝愁。
誰能更向青門外，秋草茫茫覓故侯。

寄許真師

獨上雲梯入翠微，濛濛烟雨映禪扉。
世人知在中峯裏，遙禮青山恨不歸。

酬李穆見寄

唐詩卷六

孤舟相訪至天涯萬轉雲山路更賒欲掃柴門迎遠客青苔黃葉滿貧家

送王司馬秩滿西歸

漢代何人訪逐臣江邊幾度送歸人同官歲歲先辭滿唯有青山伴老身

寄別朱拾遺

天書遠召滄浪客幾度臨歧病未能江海茫茫春欲遍行人一騎發金陵

會赦後酬主簿所問

江南江北長相憶淺水深山獨掩扉重見太平人已

老桃源久住不能歸

贈秦系

向風長嘯戴紗巾野鶴由來不可親明日東歸變名姓五湖烟水覓何人

酬靈澈公相招

石澗泉聲久不聞獨臨長路雪紛紛如今漸欲生黃髮願脫頭冠與白雲

贈崔九

憐君一見一悲歌歲歲無如老去何白屋漸看秋草沒青雲莫道故人多

送建州陸使君

漢庭初拜建安侯
天子臨軒寄所憂
從此向南無限路
雙旗已去水悠悠

送秦侍御外甥長篆之福州謁鮑大夫秦侍御與大夫有舊

萬里閩中去渺然
孤舟水上入寒烟
轅門拜首孺衣弊
貌侶牢之豈不怜

聞奉迎皇太后使沈判官至

長樂宮人掃落花
君王正使五雲車
萬方臣妾同瞻望
疑在層城阿母家

送劉萱之道州謁崔大夫

沅水悠悠湘水春
臨岐一望一沾巾
信陵門下三千客
君到長沙見幾人

過鄭山人所居

寂寂孤鶯啼杏園
寥寥一犬吠桃源
落花芳草無尋處
萬壑千峯獨閉門

奉送賀若郎中賊退後之杭州

江上初收戰馬塵
鶯聲柳色待行春
雙旌誰道來何暮
萬井如今有幾人

瓜州驛重送梁郎中

渺渺雲山去幾重依依獨聽廣陵鍾明朝借問南來
客五馬雙旌何處逢

奉使鄂渚

滄洲不復戀漁竿白髮那堪戴鐵冠客路向南何處
是蘆花十里雪漫漫

新息道中

蕭條獨向汝南行客路多逢漢騎營古木蒼蒼離亂
後幾家同住一孤城

春日宴魏城湘水亭

何年家住此江濱幾度門前北渚春白髮亂生相顧

老黃鶯自語豈知人

重送道標上人

衡陽千里故人稀遙逐孤雲入翠微春草青青新覆
地深山無路若爲歸

送李判官之潤州行營

萬里辭家事鼓鼙金陵驛路楚雲西江春不肯留行
客草色青青送馬蹄

將赴南巴至餘干別李十二

江上花催問禮人鄱陽鶯報越鄉春誰怜別此悲歡
異萬里青山送逐臣

時平後春日思歸

一尉何曾及布衣時平却憶臥柴扉故園柳色催南
客春水桃花待北歸

送陶十赴杭州攝掾

莫嘆江城一掾卑滄洲未是阻心期浙中山色千萬
狀門外潮聲朝暮時

使還七里瀨上逢薛承規赴江西貶

遷客歸人醉晚寒孤舟暫泊子陵灘憐君更去三千
里落日青山江上看

使回赴蘇州道中作

春風何是遠相催路盡天涯始却回萬里無人空楚
水孤帆送客到蘇臺

昭陽曲

昨夜承恩宿未央羅衣猶帶御爐香芙蓉帳小雲屏
暗楊柳風多水殿涼

非所留繫聞長州軍笛聲

白日浮雲閉不開黃沙誰問冶長猜只憐橫笛關山
月知處愁人夜夜來

贈微上人

禪門來往翠微間萬里千峯在剡山何時共到天台

裏身與浮雲處處閑

東湖送朱逸人歸

山色湖光併在東
扁舟歸去有樵風
莫道野人無外事
開田鑿井白雲中

舟中送李十八

釋子身心無有紛
獨將衣鉢去人群
相思晚望西林寺
唯有鐘聲出白雲

送李穆歸淮南

揚州春草新年綠
未去先愁去不歸
淮水問君來早晚
無人偏畏過芳菲

觀李溱所畫美人圖子

華堂翠幕春風來
內閣金屏曉色開
此中一見亂人眼
只疑行雨到陽臺

明月灣尋賀九不遇

故人川上復何之
明月灣南空所思
故人不在明月在
誰見孤舟來去時

送友人東歸

關路迢迢匹馬歸
垂楊寂寂數鶯飛
憐君獻策十餘載
今去猶爲一布衣

七里瀨送嚴維

秋江渺渺水空波
越客孤舟欲傍歌
手折衰楊悲老大
故人零落已無多

重送裴郎中貶吉州

五言中有送裴詩

猿啼客散暮江頭
人自傷心水自流
同作逐臣君更
遠青山萬里一孤舟

尋盛禪師蘭若

秋草黃花覆古阡
隔林何處起人烟
山僧獨在山中
老唯有寒松見少年

萬首唐人絕句卷第六

萬首唐人絕句卷第七

七言一百首

侍宴臨渭亭

張說十三首



青郊上巳艷陽年
紫禁皇遊祓渭川
幸得歡娛承湛
露心同草樹樂春天

桃花園馬上

林間艷色驕天馬
苑裏濃妝伴麗人
願逐南風飛帝
席年年含笑舞青春

奉和王真公主遊大哥山池

池如明鏡月華開
山學香爐雲氣來
神藻飛為鵲鷓

賦仙聲颺出鳳凰臺

送梁六

巴陵一望洞庭秋日見孤峰水上浮
聞道神仙不可接心隨湖水共悠悠

望歸舟

山高迥迥面長川江樹重重極遠烟
形影相隨高翥鳥心肝併斷北風船

襄陽路逢寒食

去年寒食洞庭波今年寒食襄陽路
不辭着處尋山水祇畏還家落春暮

汎洞庭

平湖一望上連天秋景千尋下洞泉
忽驚水上江華滿疑是乘舟到日邊

十五夜御前踏歌二首

花萼樓前雨露新長安城裏太平人
龍啣火樹千燈焰鷄上蓮花萬樹春

帝宮三五戲春臺行雨流風莫妬來
西域燈輪千影合東華金闕萬重開

蘇摩遮四首

摩遮本出海西湖琉璃寶眼紫髯鬚
聞道皇恩寰宇

唐詩集卷七
三
宙來將歌舞助歡娛
繡裝帔額寶花冠
夷歌妓舞借人看
自能激水成陰
氣不慮今年寒不寒
臘月凝陰積帝臺
齊歌急鼓送寒來
油囊取得天河
水將添上壽萬年杯
寒氣宜人最可憐
故將寒水散庭前
唯願聖君無限
壽長取新年續舊年

出城寄權璩楊敬之

李賀 二十一首

草煖雲昏萬里春
宮花拂面送行人
自言漢劍當飛
去何事還車載病身

南園一十二首

花枝草蔓眼中開
小白長紅越女腮
可憐日暮嬌香
落嫁與春風不用媒

宮北田塍曉氣酣
黃桑飲露宰宮簾
長腰健婦偷攀
折將餽吳王八鬣蠶

竹裏繅絲挑網車
青蟬獨噪日光斜
桃膠迎夏香琥
珀自課越傭能種瓜

三十未有二十餘
白日長飢小甲疏
橋頭長老相哀
念因遺戎韜一卷書

男兒何不帶吳鉤
收取關山五十州
請君暫上凌烟

閣若個書生萬戶侯

尋章摘句老雕蟲曉月當簾掛玉弓不見年年遼海上文章何處哭秋風

長卿牢落悲空舍曼倩詼諧取自容見買若耶溪水劍明朝歸去事獼翁

春水初生乳燕飛黃蜂小尾撲花歸窻含遠色通書幌魚擁香鈎近石磯

泉沙奕臥鴛鴦暖曲岸回篙舴艋遲瀉酒木欄椒葉蓋病容扶起種菱絲

邊壤今朝憶蔡邕無心裁曲度春風舍南有竹堪書字老去溪頭作釣翁

長巒谷口倚嵇家白晝千峯老翠華自履藤鞋收石蜜手牽苔絮長蕪花

松溪黑水新龍卵桂洞生硝舊馬牙誰爲虞卿栽道帔輕綃一疋染朝霞

昌谷北園新筍三首

籜落長竿削玉開君看母筍是龍材更容一夜抽千尺別却池園數寸埃

斫取青光寫楚辭膩香春粉墨離離無情有恨何人見露染烟啼千萬枝

家泉入眼兩三莖曉看陰根紫脉生今年水曲春沙
上笛管新篁拔玉青

三月過行宮

渠水紅繁擁御墻風嬌小葉學蛾粧垂簾幾度青春
老堪鎖千年白日長

酬荅二首

金魚公子夾衫長密密裝腰鞞割玉方行處春風隨馬
尾柳花偏打內家香

雍州二月海池春御水鷓鴣煖白蘋試問酒旗歌板
地今朝誰是拗花人

蝴蝶飛

楊花撲帳春雲熟龜甲屏風醉眼纈東家蝴蝶西家
飛白騎少年今日歸

臨池曲

孟郊十首

池中春蒲葉如帶紫菱成角蓮子大羅裙蟬髻倚迎
風雙雙伯勞飛向東

登科後

昔日齷齪不足誇今朝放蕩思無涯春風得意馬蹄
疾一日看遍長安花

濟源寒食五首

風巢嫋嫋春鷓鴣無十老人仰面嗟柳弓葦箭覩不
見高紅遠綠勞相遮

女嬋童子黃短短耳中聞人惜春晚遊蜂匿蝶踏花
來却把黃麩一甕盃

一日踏春一百回朝朝沒脚走芳埃饑童餓馬掃花
餵向晚飲溪三兩盃

長安落花飛上天南風引至三殿前可憐春物亦朝
謁唯我孤吟濟水邊

枋口花開掣手歸嵩陽與我留紅暉可憐躑躅千萬
尺拄地拄天疑欲飛

洛橋晚望

天津橋下水初結洛陽陌上行人絕榆柳蕭疎樓閣
閑月明直見嵩山雪

傷舊遊

去春會處今春歸花數不減人數稀朝咲片時暮成
泣東風一見還西歸

聞夜啼

寄泣須寄黃河泉此中淚怨流澈天愁人獨有夜燈
見一紙鄉書淚滴穿

過融上人蘭若

孟浩然 四首

山頭禪室挂僧衣
窗外無人溪鳥飛
黃昏半在下山路
却聽泉聲戀翠微

濟江問舟子

潮落江平未有風
輕舟共濟與君同
時時引領望天末
何處青山是越中

送杜十四之江南

荆吳相接水為鄉
君去春江正渺茫
日暮征帆泊何處
天涯一望斷人腸

越中送人歸秦中

試登秦望望秦川
遙憶青門春可憐
仲月送君從此

別他時須及邵平田

答送別

獨孤及
七首

洞庭正及蘋葉衰
豈是秦吳別遠時
謝君篋中綺端贈
何以報之長相思

陪王員外北樓待月

勸酒論心夜不疲
含情有待問誰思
佇看明月澄清景
來照江樓酌酎時

海上懷華中舊遊

涼風臺上三峯月
不夜城邊萬里沙
離別莫言關塞遠
夢魂長在子真家

將還越留別豫章諸公

客鳥倦飛思舊林徘徊猶戀衆花陰他時相憶雙航
葦莫問吳江深不深

送別荆南張判官

輜車駟馬往從誰夢浦蘭臺日更遲欲識桃花最深
處前程問取武陵兒

和韋郎中尋楊駙馬不遇

金屋瓊臺蕭史家暮春三月渭川花到君仙洞不相
見謂已吹簫乘早霞

垂花塢醉後戲題

紫蔓青條覆酒壺落花時與竹風俱歸時自負花前
醉笑向儵魚問樂無

自江華之衡陽

呂溫三十一首

孤舟遲遲悵有違沿湘數日逗清暉人生隨分爲憂
喜回鴈峰南是北歸

看渾中丞山桃花

朝來駐馬香街裏風度遙聞語笑聲無事閉門教日
晚山桃落盡不勝情

酬何處士懷郡樓月

清質悠悠素彩融長天迥陸向爲空佳人甚近山城

閉一夜相望水鏡中

別江華毛令

布錦精塵任土宜
疲人識信每相期
今朝別後無他囑
雖是蒲鞭也莫施

戲贈靈徹上人

僧家亦有芳塵興
自是禪心無滯境
君看池上湛然時
何時不受花枝影

感貞元舊節寄竇三盧七

同侍先皇立玉墀
中和舊節又支離
今朝各自看花處
萬里遙知掩淚時

初發道州答崔連州海陽亭

吏中習隱好登攀
不擾疲人便自閑
聞說殷勤海陽事
令人轉憶舜祠山

答段秀才

盡日看花君不來
江城半夜爲君開
樓中共指南園火
紅燼隨花落碧苔

吐蕃別館臥病寄朝中親故二首

星漢縱橫車馬喧
風搖玉珮燭花繁
豈知羸臥窮荒外
白日滿山頭猶閉門

清時令節千官會
絕域窮荒一病夫
遙想滿堂歌笑

處幾人緣我向西隅

宗禮欲往貴州苦雨戲贈

農人辛苦綠苗齊正愛梅天水滿堤知汝使車行意
速但令驄馬着障泥

道州寄襄陽裴相公

悠悠世路自浮沉豈問仁賢待物心最憶過時留宴
處艷歌催酒後亭深

江陵酒中留別坐客

尋常縱恣倚青春不契心期更不親今日煙波九疑
去相逢盡是眼中人

道州送何山人

匣有青萍笥有書何門不可曳長裾應須定取真知
者遣對明君說子虛

送戴處士謁楊侍郎

羸馬孤童鳥道微三千客散獨南歸山公念舊偏知
我今日因君淚滿衣

遊黃溪

偶尋黃溪日欲沒早梅未盡山櫻發無事江城閉此
身不能坐待花間月

衡州夜後把火看花留客

紅芳暗落碧池頭把火遙看且少留半夜忽然風更
起明朝不復上南樓

看花招李兵曹不至

天桃紅燭正相鮮傲吏閑齋困獨眠應是夢中飛作
蝶悠揚祗在此花前

鏡中嘆白髮

年過潘岳纔三歲還見星星兩鬢中縱使他時能早
達定知不作黑頭公

迴風有懷

銀宮翠島烟霏霏珠樹玲瓏朝日輝神仙望見不知

處却逐迴風何處歸

題河州赤岸村

左南橋上見河州遺老相依赤岸頭
塞歌中受恩者誰憐被髮笑東流

題陽人城

忠驅義感即風雷誰道南方乏武才
天下起兵誅董卓長沙弟子最先來

晉王龍驤墓

虎旗龍艦順天風坐引全吳入掌中
孫皓小兒何足取便令千載笑爭功

劉郎浦

吳蜀成婚此水濤明珠步障屋黃金誰將一女輕天下欲換劉郎鼎峙心

臨洮送袁書記歸朝

時袁作僧蕃中呼為袁師

憶年十五在江湄聞說平源且半疑豈料殷勤洮水上却將歸信寄袁師

題石勒城二首

長駟到處積人頭大旆連營壓上游建業烏棲何足問慨然歸去王中州

天生傑異固難馴應變摧枯若有神夷甫自能疑倚

笑忍將虛誕誤時人

友人邀聽歌有感

文章拋盡愛功名三十無成白髮生辜負壯心羞欲死勞君貴買斷腸聲

早甚見權門移芍藥花

綠原青壠漸成塵汲水開園日日新四月帶花移芍藥不知憂國是何人

冬夜即事

百憂攢心起復臥夜長耿耿不可過風吹雪片似花落日照冰紋如鏡破

道州郡齋臥病寄東館諸賢

東池送客醉年華
聞道風流勝習家
獨臥郡齋寒落處
隔簾微雨濕梨花

送歐陽子還江華郡

錢起 十五首

江華勝事接湘濱
千里湖山興入新
才子思歸催去棹
江花且爲駐殘春

訪李少卿不遇

畫戟朱樓映晚霞
高梧寒柳度飛鴉
門前不見歸軒過
城上愁看落日斜

與趙莒茶讌

竹下忘言對紫茶
全勝羽客對流霞
塵心洗盡興難盡
一樹蟬聲片影斜

長安落第

花繁柳暗九門深
對飲悲歌淚滿襟
數日鶯花皆落羽
一回春至一傷心

王右丞堂前芍藥花開悽然感懷

芍藥花開出舊欄
春衫掩淚再來看
主人不在花長在
更勝青松守歲寒

秋夜送人歸襄陽

斗酒忘言良夜深
紅萱滴露鶴驚林
欲知別後思今

夕漢水東流是寸心

夜泊鸚鵡洲

月照溪邊一罨蓬
夜閑清唱有微風
小樓深巷敲方響
水國人家在處同

春郊

水透冰渠漸有聲
氣融烟塢晚來明
東風好作陽和使
逢草逢花報發生

送崔山人歸山

東山殘雨掛斜暉
野客巢由指翠微
別酒稍酣乘興去
知君不羨白雲歸

過故洛城

故城門前春日斜
故城門裏無人家
市朝欲認不知處
漠漠野田空草花

隴城

三軍版築脫金刀
黎庶翻慚將士勞
不憶新城連障起
唯驚畫角入雲高

暮春歸故山草堂

谷口春殘黃鳥稀
辛夷花盡杏花飛
始憐幽竹山窓下
不改清陰待我歸

歸雁

瀟湘何事等閑回水碧沙明兩岸苔二十五絃彈夜
月不勝清怨却飛來

晚過橫瀾寄張藍田

亂水東流落照時黃花滿逕客來遲林端忽見南山
色馬上還吟陶令詩

九日田舍

今日吾家野興偏東籬黃菊映秋田浮雲暝鳥飛將
盡始達青山新月前

萬首唐人絕句卷第七

萬首唐人絕句卷第八

七言一百首

贈商亮

戴叔倫 二十二首

日日河邊見水流傷春未已復悲秋山中舊宅無人
住來往風塵共白頭

夜發袁江寄李穎川劉侍御

半夜回舟入楚鄉月明山水共蒼蒼孤猿更叫秋風
裏不是愁人亦斷腸

對酒

三重江水萬重山山裏春風度日閑且向白雲求一

醉莫教愁夢到鄉關

對月答袁明府

山下孤城月上遲相留一醉本無期
明年此夕遊何處縱有清光知對誰

送上饒嚴明府攝玉山

家在故林吳楚間
冰爲溪水玉爲山
更將舊政化隣邑
遙見逋人相逐還

聽歌回

秋風裏許杏花開
杏樹傍邊醉客來
共待客深聽一曲
醒人騎馬斷腸迴

酬駱侍御答詩

風傳畫閣空知曉
雨濕江城不見春
堆案遶床君莫怪
已經愁思古時人

送孫直遊郴州

孤舟上水過湘沅
桂嶺南枝花正繁
行客自知心有托
不聞驚浪與啼猿

麓山寺會送尹秀才

湖上逢君亦不閑
暫將離別到深山
飄蓬驚鳥那自定
強欲相留雲樹間

送董頰

霜鴈群飛下楚田，羈人掩淚望秦天。君行江海無定所，別後相思何處邊。

別張員外

木葉紛紛湘水濱，此中何事往頻頻。臨風自笑歸時晚，更送浮雲逐故人。

送張評事

城郭喧喧爭送遠，危梁裏裏渡東津。楊花展轉引征騎，莫怪山中多看人。

送呂少府

共醉流芳獨歸去，故園高士日相親。深山古路無楊

柳，折取桐花寄遠人。

送人遊嶺南

少別華陽萬里遊，近南風景不曾秋。紅芳綠筍是行路，縱有啼猿聽却幽。

妻亡後別妻弟

楊柳青青滿路垂，贈行惟折古松枝。停舟一對湘江哭，哭罷無言君自知。

和崔法曹建溪聞猿

曾向巫山峽裏行，羈猿一叫一回驚。聞道建溪腸欲斷的知斷着第三聲。

湘南即事

盧橘花開楓葉衰
出門何處望京師
沅湘日夜東流去
不爲愁人住少時

代書寄京洛舊遊

今年十月溫風起
湘水悠悠生白蘋
欲寄遠書還不
敢却愁驚動故鄉人

蘄州行營作

蘄水城西向北看
桃花落盡柳花殘
朱旗半捲山川
小白馬連嘶草樹寒

題武當逸禪師蘭若

我身本似遠行客
况是亂時多病身
經山涉水向何
處羞見竹林禪定人

穀城逢楊評事

遠自五陵獨竄身
筑陽山中歸路新
橫流夜長不得
渡駐馬荒亭逢故人

聽韓使君美人歌

仙人此夜忽凌波
更唱瑤臺一遍歌
嫁與將軍天上
住人間可得再相過

雪中聽箏

楊巨源 二十四首

玉柱泠泠對寒雪
清商怨徵聲何切
誰憐楚客向隅

時一片愁心與絃絕

盧龍塞行送韋掌記二首

雨雪紛紛黑水外行人共指盧龍塞
萬里飛沙壓鼓鞞三軍殺氣凝旌旆

陳琳書記本翩翩料敵能兵奪酒泉聖主好文兼好武
封侯莫比漢皇年

題五老峯下費君書院

解向花間栽碧松門前不負老人峯
已將心事隨身隱認得溪雲第幾重

僧院聽琴

禪思何妨在玉琴真僧不見聽時心
離聲怨調秋堂夕雲向蒼梧湘水深

和武相公春曉聞鶯

語恨飛遲天欲明殷勤似訴有餘情
仁風已及芳菲節猶向花溪鳴幾聲

唐昌觀玉蘂花

晴空素艷照霞新香灑天風不到塵
持贈昔聞將白雪蘂珠宮上玉花春

山中主人

十里青山有一家翠屏深處更添霞
若爲說得溪中

事錦石和烟四面花

和練秀才楊柳

水邊楊柳麴煙絲立馬煩君折一枝唯有春風最相
惜殷勤肯向手中吹

太原贈李屬侍御

路入桑乾塞鴈飛棗郎年少有光輝春風走馬三千
里不廢看花君繡衣

崔娘詩

清潤潘郎玉不如中庭蕙草雪消初風流才子多秦
思腸斷蕭娘一紙書

灞岸柳

楊柳含烟灞岸春年年攀折為行人好風儻借低枝
便莫遣清絲掃路塵

題雲師山房

雲公蘭若深山裏月明松殿微風起試問空門清淨
心蓮花不着秋潭水

城東早春

詩家清景在新春綠柳纔黃半未勻若待上林花似
錦出門俱是看花人

秋日登亭贈薛侍御

潦倒從軍何取益東西走馬暫同遊
梁王舊客皆能賦今日因何獨怨秋

石水詞

銀罌深鑊貯清光無限來人不得嘗
知共金丹爭氣力一盃全勝五雲漿

荅振武李逢吉判官

近來時輩都無興把酒皆言肺病同
唯有單于李評事不將華髮負春風

官燕詞

毛衣似錦語如絃日煥爭高綺陌天
幾處野花留不

得雙雙飛向御爐前

贈崔駙馬

百尺梧桐畫閣齊簫聲落處翠雲低
平陽不惜黃金埽細雨花驄踏作泥

聽李憑彈箏篴二首

聽奏繁絃玉殿清風傳曲度禁林明
君王聽樂梨園煥翻到雲門第幾聲

花咽嬌鶯玉漱泉名高半在御筵前
漢王欲助人間樂從遣新聲墜九天

臥水看花

一樹紅花映綠波
清明騎馬好經過
今朝幾許風吹落
聞道蕭郎最惜多

觀妓人入道二首

荀令歌鐘北里亭
翠娥紅粉敞雲屏
舞衣施盡餘香在
今日花前學誦經

碧玉芳年事冠軍
清歌空得隔花聞
春來削髮芙蓉寺
蟬鬢臨風隨綠雲

白櫻桃

于武陵二首

王母堦前種幾株
水晶簾內看如無
只應漢武金盤上
瀉得珊珊白露珠

白櫻樹

記得花開雪滿枝
和風和蝶帶花移
只今花落遊蜂去
空作主人惆悵詩

聞友人看花

朱慶餘二十六首

尋花不問春深淺
縱是殘紅也入詩
每箇樹邊行一匝
誰家園裏最多時

陪韓中丞宴

不飲酒

老大無成仍足病
縱聽絲竹亦無歡
高情太守容閑坐
借與青山盡日看

嶺南路

越嶺向南風景路人人傳說到京城經時來往不踏
雪盡在刺桐花上行

種花

憶昔兩京官道上可憐桃李盡成蹊不知誰作尋花
使空記玄宗遣種時

題仙遊寺

石抱龍堂蘚石乾山遮白日寺門寒長松瀑布饒奇
狀曾有仙人駐鶴看

廬江途中遇雪

蘆葦聲多葉滿陂濕雲連野見山稀遙知將吏相逢

處半是春城賀雪歸

公子行

閑蹤結客冶游時忘却江樓薄暮期醉上黃金隄上
去馬鞭梢斷綠楊絲

登望雲亭招友

日日恐無雲可望不辭逐靜望來頻共知亭下眠雲
遠解到上頭能幾人

寄劉少府

唯愛圖書兼古器在官猶似未離貧更聞縣去青山
遠稱與詩人作主人

閨意上張水部

洞房昨夜停紅燭待曉堂前拜舅姑妝罷低聲問夫
婿畫眉深淺入時無

採蓮

隔烟花草遠濛濛恨箇來時路不同正是停橈相遇
處鴛鴦飛出急流中

都門晚望

綠槐花墮御溝邊步出都門雨後天日暮野人耕種
罷烽樓原上一條烟

尋山僧

吟背春城出草遲天晴紫閣赴僧期山邊樹下行人
少一派清泉日午時

西亭晚宴

虫聲已盡菊花乾五老松陰向晚寒對酒看山俱惜
去不知殘日下闌干

與一二禪師題玢寺主院

杖屨相隨在處便不唯空寄上方眠歸時亦取湖邊
去晚映楓林共上船

舜井

碧甃磷磷不記年青蘿鎖在小山顛向來下視千山

水疑是蒼梧萬里天

宮中詞

寂寂花時閉院門
美人相並立瓊軒
含情欲說宮中事
鸚鵡前頭不敢言

古觀

古觀曾過知不遠
花藏石室杳難尋
泉邊白鹿聞人語
看過天壇恨入深

夏口送舍人赴杭州

豈知鸚鵡洲邊路
得見鳳凰池上人
從此不同諸客禮
故鄉南與郡城鄰

商州王中丞留喫枳殼

方物就中名最遠
只應愈疾味偏佳
若教盡喫人人與
采盡商山枳殼花

寄招胡明府

語低清貌似休糧
稱着朱衣入草堂
消暑近來無別物
桂陰當午滿繩床

登玄都閣

野色晴宜上閣看
樹陰遙映御溝寒
豪家舊宅無人住
空見朱門鎖牡丹

贈鳳翔柳司錄

杏園北寺題名日數到如今四十年點檢生涯與官
職一莖野竹在身邊

榜曲

荷花明滅水烟空惆悵來時徑不同欲到前州堪入
處鴛鴦飛出碧流中

逢山人

星月相逢現此身自然無跡又無塵秋來若向金天
會便是青蓮葉上人

過耶溪

春溪繚繞出無窮兩岸桃花正好風恰是扁舟堪入

處鴛鴦飛起碧流中

九日送別

王之渙十六首

薊庭蕭瑟故人稀何處登高且送歸今日暫同芳菊
酒明朝應作斷蓬飛

涼州詞二首

黃河遠上白雲間一片孤城萬仞山羌笛何須怨楊
柳春光不度玉門關

單于北望拂雲堆殺馬登壇祭幾回漢家天子今神
武不肯和親歸去來

宴詞

長堤春水綠悠悠，
入漳河一道流。
莫聽聲聲歸去棹，
桃溪淺處不勝舟。

惆悵詞十二首

八蠶薄絮鴛衾綺，
半夜佳期並枕眠。
鐘動紅娘喚歸去，
對人勻淚拾金鈿。

李夫人病已經秋，
漢武看來不舉頭。
得所穠華消歇盡，
楚魂湘血一生休。

謝家池館花籠月，
蕭寺房廊竹颭風。
半夜酒醒憑檻立，
所思多在別離中。

隋師戰艦欲亡陳，
國破應難保此身。
訣別徐郎淚如雨，
鑑鸞分後屬何人。

七夕瓊筵隨事陳，
兼花連蒂共傷神。
蜀王殿裏三更月，
不見驪山私語人。

夜寒春病不勝懷，
玉瘦花啼萬事乖。
薄倖檀郎斷芳信，
驚嗟猶夢合歡鞋。

嗚咽離聲管吹秋，
妾身今日爲君休。
齊奴不說平生事，
忍看花枝謝玉樓。

青絲一路墮雲鬟，
金剪刀鳴不忍看。
持謝君王寄幽怨，
可能從此住人間。

陳宮興廢事難期，
三閣空餘綠草基。
狎客淪亡麗華怨，
可能從此住人間。

死他年江令獨來時

晨肇重來路已迷
碧桃花謝武陵溪
山目斷無尋處
流水潺湲日漸西

少卿降北子卿還
朔野離觴慘別顏
却到茂陵惟一
慟節毛零落鬢毛斑

夢裡分明入漢宮
覺來燈背錦屏空
紫臺月落關山
曉腸斷君恩信盡工

送僧

馬戴 八首

親在平陽憶久歸
洪河雨漲出關遲
獨過舊寺人稀
識一一松杉老別時

龕中古樹自持行
樹下禪床坐一生
來往白雲知歲
久滿山猿鳥曾經聲

贈友人邊遊

有客新從絕塞回
自言曾上李陵臺
尊前話盡北風
起秋色蕭條胡鴈來

山中作

屐齒無泥竹策輕
莓苔梯滑夜難行
獨開石室松門
裏月照前山空水聲

出塞詞

金帶連環束戰袍
馬頭充雪度臨洮
卷旗夜劫單于

帳亂斫胡兒缺寶刀

寄雲臺觀田秀才

雪壓松枝拂石窓幽人獨坐鶴成雙
晚來漱齒敲冰渚閑讀仙書倚翠幢

邊上送侍御鞠獄回

獄成冤雪晚雲開豸角威清塞鴈回
飛將送迎遙避馬離亭不敢勸金盃

射鵰騎

蕃面將軍着鼠裘酣歌衝雪在邊州
獵過黑山猶走馬寒鵰射落不回頭

聞玉蕊院真人降二首

嚴休復 二首

終日齋心禱玉宸魂消眼冷未逢真
不如滿樹瓊瑤藥笑殺藏花洞裏人

羽車潛下玉龜山塵世何由覩薜顏
唯有無情枝上雪好風吹綴綠雲鬟

萬首唐人絕句卷第八

齊首數人臨河決溝八

齊首數人臨河決溝八

齊首數人臨河決溝八

齊首數人臨河決溝八

齊首數人臨河決溝八

齊首數人臨河決溝八



